



Ketouvim (hagiographes) - Psaumes

Chapter 115

115,1	לא לנו יהוה, לא לנו: כי-לשמך, תן כבוד--על-חסדך, על-אמתך.
115,2	למה, יאמרו הגוים: איה-נא, אלהיהם.
115,3	ואלהינו בשמים-- כל אשר-חפץ עשה.
115,4	עצביהם, כסף וזהב; מעשה, ידי אדם.
115,5	פה-להם, ולא ידברו; עינים להם, ולא יראו.
115,6	אזנים להם, ולא ישמעו; אף להם, ולא ירחיו.
115,7	ידיהם, ולא ימושון--ברגליהם, ולא יהלכו; לא-יהגו, בגרונם.
115,8	כמוהם, יהיו עשיהם-- כל אשר-בטח בהם.
115,9	ישראל, בטח ביהוה; עזרם ומגנם הוא.
115,10	בית אהרן, בטחו ביהוה; עזרם ומגנם הוא.
115,11	יראי יהוה, בטחו ביהוה; עזרם ומגנם הוא.
115,12	יהוה, זכרנו וברך; וברך, את-בית ישראל; וברך, את-בית אהרן.
115,13	וירך, יראי יהוה-- הקטנים, עם-הגדלים.
115,14	יסף יהוה עליכם; ועל בניכם.
115,15	ברוכים אתם, ליהוה-- עשה, שמים וארץ.
115,16	השמים שמים, ליהוה; והארץ, נתן לבני-אדם.
115,17	לא המתים, יהללו-יה; ולא, כל-יודי דומה.
115,18	ואנחנו, וברך-יה-- מעתה ועד-עולם: יהללו-יה.